

# INUIT ATAQATIGIIT

## INATSISARTUNI



Uummanaq, 30. nov. 2012

Inatsisartut Suleriaasianni § 37 naapertorlugu imaattunik Naalakkersuisunut apeqquteqarpunga.

(Inatsisartuni ilaasortaq Isak Hammond, Inuit Ataqatigiit)

### Apeqqutit:

1. TV-kut isiginnaartartut eqqarsaatigalugit, digitalt tv-kkut aallakaatitanik atorunnaarsitsisoqarnerata kingorna sunik matussusiisoqarniarpa?
2. Aallakaatinneqartartut unitsinneqartut sunik taarteqartinneqarniarpat?

### Tunngavilersuut:

[www.tvnutaq.gl](http://www.tvnutaq.gl) iserfigalugu misissoraluarakku paasissutissanik arlaannik peqarneraq DR HD 31. december 2012 matuppat qanoq aallakaatitsisarnissamik paasissutissaqarneraq ajoraluartumik takusassaqaanngilaq paasissutissaasumik. Aamma assut eqqarsaatiginartarpoq KNR2 piffissami annertunermi atorneqarani ikumarusaaginnartartoq taamaallaalli Inatsisartut ataatsimiinneranni annertunerusumik atorneqartarluni. Avinngarusimasumi najugaqarluni pingaartumik kaperlattalernerani aliikkutaanerusumik isiginnaarsinnaaneq pisariaqartittarparput.

Massakkut KNR TV-ip aallakaatitsisarnera isornartoqartippara, tassa aallakaatittagai 50% sinnerlugu aallakaateqqiinerusarmata sapaatip akunnerata ingerlanerani. Soorlu aamma eqqarsaatigissagaanni Qanoroq ullaat tamaasa ippassaammat aallakaatitat nalunaquttap akunnikkaarlugu takuteqqittaarneqartarput. Uffalu aamma sapaatip akunnerata ingerlanerani Qanoruukkut aallakaatitat arfininngornermi sapaammilu unnukkut studieværtilerlutik uteqqiisarput uffalu aningaasatigut sipaarniarlutik oqalullutik. Massakkummi aamma DR HD aamma DR K aallakaateriikkanik annertuumik pisoqarfiuvoq isiginnaassallugillu ilaanni soqutiginaratik.